

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona (“Službene novine HNK”, broj: 3/07 i 5/09) i člana 36. Zakona o izvršavanju Budžeta HNK za 2023. godinu („Službene novine HNK“, broj: 1/2023), na prijedlog Ureda predsjednika Vlade, Vlada Hercegovačko – neretvanskog kantona je na 198. sjednici, održanoj 4.4.2023. godine, donijela

O D L U K U
O USVAJANJU PROGRAMA UTROŠKA SREDSTAVA UTVRĐENIH
BUDŽETOM HNK NA POZICIJI UREDA PREDSJEDNIKA VLADE
„GRANT NEPROFITNIM ORGANIZACIJAMA“

I

Usvaja se Program utroška sredstava s kriterijima i postupkom dodjele sredstava za su/finansiranje aktivnosti i projekata neprofitnih organizacija (udruga, zaklada, ustanova ili drugih pravnih osoba čija osnovna svrha nije stjecanje dobiti i koje su se opredijelile za obavljanje djelatnosti i aktivnosti koje su predmet finansiranja i kojima promiču uvjerenja i ciljeve koji nisu u suprotnosti s Ustavom i zakonima BiH ili pravnim poretkom države), s pozicije Ureda predsjednika Vlade, organizaciona jedinica 12010001, ekonomski kod 614 300 CAN 001 „Grant neprofitnim organizacijama“ (u daljem tekstu: Program).

II

Cilj Programa je podrška neprofitnim organizacijama – čije aktivnosti i projekti promiču ciljeve i projekte iz oblasti koje su definisane tačkom 5. ovog Programa.

III

Sredstva finansijske podrške iz članka 1. dodjeljivat će se neprofitnim organizacijama koje su podnijele zahtjev za dodjelom sredstava u tekućoj godini Uredu predsjednika Vlade HNK, ili su tokom godine podnijeli zahtjev Vladi HNK ili drugom kantonalmom tijelu, a isti je dostavljen Uredu predsjednika Vlade HNK. Ured predsjednika Vlade na web stranici Vlade HNK će, nakon usvajanja Budžeta HNK za tekuću godinu i ukoliko na poziciji Ureda predsjednika Vlade „Grant neprofitnim organizacijama“ budu planirana novčana sredstva, objavit informaciju o tomu, kao i obrazac za podnošenje zahtjeva za dodjelu novčane podrške.

IV

Zaprimaljeni zahtjevi neprofitnih organizacija za dodjelom finansijskih sredstava bit će razmatrani najmanje dva puta u toku kalendarske godine, a o dodjeli novčane podrške korisnicima, na prijedlog Ureda predsjednika Vlade, odlučivat će Vlada HNK. Ukoliko iznos traženih sredstava po zaprimljenim zahtjevima bude veći od planiranih sredstava Ured predsjednika Vlade predložit će Vladi HNK nedostajuća sredstva osigurati s pozicije „tekuće rezerve“ ili izmjenama i dopunama Budžeta HNK.

V

Sredstva se dodjeljuju za projekte koji su sukladno ciljevima i politici Hercegovačko-neretvanskog kantona, usmjereni na:

- afirmaciju stvaralaštva mladih;
- projekte zapošljavanja i samozapošljavanja mladih osoba;
- projekte, sudjelovanje ili organiziranje manifestacija iz područja znanstveno - kongresnih i istraživačkih djelatnosti;
- njegovanje tradicijskih, kulturnih i sportskih vrijednosti;

- izdavačku djelatnost, kulturno – umjetnička djelatnost;
- područje socijalne zaštite i zdravstva, posebno kao podrška populaciji osoba s posebnim potrebama (socijalnim, materijalnim i zdravstvenim), osobe s teškim invaliditetom, starije osobe u potrebi i sl.;
- potporu izvannastavnim programima/projektima u školstvu;
- poticanje obrazovanja, osposobljavanja i usavršavanja kojima je cilj stjecanje znanja i vještina za povećanje zapošljavanja i prilagođavanje potrebama tržišta rada, posebno za deficitarna zanimanja;
- područje turizma, ugostiteljstva i zaštite okoline;
- nagrade i priznanja za posebna ostvarenja i postignuća;
- potpora projektima iz drugih područja od općega interesa.

VI

Zahtjevi za dodjelu novčanih sredstava podnose se Uredu predsjednika Vlade HNK. U zahtjevu se navode ciljevi i namjene za koje se traže sredstva.

Zahtjev za dodjelu sredstava treba sadržavati sljedeće podatke:

1. naziv, adresa i sjedište podnosioca s odgovornom osobom podnosioca,
2. ID broj i broj transakcijskog/žiro računa,
3. opis projekta i razlog traženja sredstava i
4. iznos sredstava koji se traži.

Ured predsjednika Vlade HNK nema obvezu vraćanja dostavljene dokumentacije podnosiocima zahtjeva.

VII

Šef Kabineta predsjednika Vlade HNK imenovati će Komisiju za ocjenu i odabir projekata i dodjelu finansijskih sredstava neprofitnim organizacijama.

Komisija iz prethodnog stavka će obavljati sljedeće poslove:

- Pripremiti obrazac za dodjelu novčanih sredstava;
- Prikupljati zahtjeve za dodjelom sredstava i obrađivati ih, te izvršiti procjenu i bodovanje projekata;
- sačiniti listu osoba s prijedlogom pojedinačnih iznosa novčanih sredstava za dodjelu s obrazloženjem i dostaviti je šefu Kabineta predsjednika Vlade, kao preporuku za donošenje odluke o dodjeli sredstava, kako bi je isti uputio Vladi HNK radi donošenja konačne odluke o dodjeli sredstava;
- Poslati obavijest svim korisnicima o dodjeli finansijske podrške i obveziti dostave izvještaja o namjenskoj potrošnji sredstava;
- Pratiti dostavu izvještaja o utrošku sredstava za namjenu za koju su i odobrena i
- Šefu Kabineta predsjednika Vlade dostaviti izvještaj o radu i utrošenim sredstvima.

VIII

Komisija će ocjenjivanje i odabir prijava za finansiranje aktivnosti vršiti u skladu sa obrascem za ocjenjivanje zahtjeva iz tačke 8. Programa, koji čini njihov sastavni dio.

IX

Obrazac za ocjenjivanje zahtjeva:

OBRAZAC ZA OCJENJIVANJE ZAHTJEVA		
PODNOŠILAC ZAHTJEVA: naziv, sjedište, adresa i kontakt telefon pravne osobe i odgovorna osoba		
ID BROJ:		
BROJ RAČUNA:		
Namjena (program/projekt):		
Traženi iznos sredstava:		
Kriteriji za ocjenjivanje:	Maksimalan broj bodova:	Konačna ocjena;
Provedbom programa i projekta se ispunjavaju ciljevi i prioriteti definisani strateškim i planskim dokumentima? Ostvaruje li program/projekat viši interes i značaj za širu društvenu zajednicu?	5	
Postignuti uspjesi/iskustvo podnosioca prijave u naznačenoj oblasti te stručni kapacitet za provedbu planiranih aktivnosti/projekta/programa?	5	
Podrška institucionalnom i organizacijskom razvitku neprofitne organizacije	5	
Prednost u finansiranju (npr. u provedbu uključen rad volontera, zapošljavanje nezaposlenih i ranjivih skupina na provedbi projekta, uključivanje partnera u projektno partnerstvo, projekt predviđa nove inicijative u zajednicama s manje mogućnosti i dr.)	5	
Ukupan zbroj bodova:	20	
Prijedlog Komisije o visini sredstava za finansiranje prijave:	KM	

Komisija vrednuje zahtjev prema kriterijima s pripadajućim brojem bodova.

Za svaki od kriterija, Komisija dodjeljuje usaglašen broj bodova u rasponu od 1-5 na sljedeći način:

- 1- Loše
- 2- Zadovoljavajuće
- 3- Dobre
- 4- Vrlo dobre
- 5- Izuzetno

Ukupan broj bodova predstavlja zbroj svih bodova dodijeljenih u obrascu za ocjenjivanje.

X

Podnositac zahtjeva može aplicirati na ukupan iznos cijene projekta ili dio nedostajućih sredstava.

Projekti/programi, koji budu predloženi za su/finansiranje podržat će se u skladu sa finansijskim mogućnostima, odnosno u iznosu do 10.000, 00 KM po korisniku.

XI

Korisnici sredstava kojima budu odobrena sredstva na osnovu odluke Vlade HNK obavezni su ovom Uredu dostaviti izvještaj o namjenskoj potrošnji dodijeljenih sredstava.

XII

Odluka stupa na snagu danom donošenja, a objavit će se u „Službenim novinama Hercegovačko – neretvanskog kantona“.

Bosna i Hercegovina

Federacija Bosne i Hercegovine

HERCEGOVACKO-NERETVANSKI KANTON

V L A D A

Broj: 01-1-02- 959 /23

Mostar, 4.4.2023. godine

